

O se ke wa
boifa ...



bible society
of south africa

Ke na le wena

Ka dinako tše dingwe ka moka ga rena
re a boifa le ge re ka ba bogale bjang
goba ra ba ba bagolo bjang. Ka moka
re hlobega boroko bošego gomme ra
belaela ka ga dikotsi tše ntši tše di re
tšhošetšago gomme ra boifa seo se ka
diregago se sempe. Eupša Modimo o re
kgothatsa gantši ka Bibeleng.

Le se ke la boifa –
ke na le lena!
Le se ke la lealea –
ke nna Modimo wa lena!
Ke a le tiiša, ke a le thuša,
ke a le šireletša,
ke le hlakodiša ka maatla a ka.

JESAYA 41:10

“Le se ke la boifa bao ba bolayago mmele,
eupša ba sa kgone go bolaya moya; le
upše le boife Modimo yo a kgonago go
fediša mmele le moya heleng. Ga ke re
diphorogohlo tše pedi di rekwa ka sente?
Le ge go le bjalo le e tee ya tšona e ka se
wele fase Tatagolena a sa tsebe. Le lena
meriri yohle ya lena e badilwe. Ka gona,
le se ke la boifa – lena le ba bohlokwa go
feta diphorogohlo tše dintši.”

MATEU 10:28-31

Bibele e re tiišeletša ka fao Modimo a re ratago ka gona

Morena ke seetša sa ka le
Mophološi wa ka –
nka se boife motho.
Morena ke botšhabelo bja ka –
nka se tšhoge motho.

DIPESALOME 27:1

“Setšhaba sa ka,
le se ke la boifa la gakanega!
Le a tseba gore go tloga kgalekgale
ke boletše tšohle tše di bego
di tlilo direga,
gomme lena le dihlatse tša ka.
Na go na le Modimo wo mongwe?
Ruri, ga o gona modingwana wo
mongwe wo maatla wo ke o tsebago.”

JESAYA 44:8

Tshepa botho bja Modimo

Morena, leratorato la gago le fihla
magodimong;
potego ya gago e fihla marung.
Go loka ga gago go phagame boka
thaba tše kgolo;
dikahlolo tša gago di tebile bjalo
ka phamphamadiba.
Wena, Morena,
o babalela batho le diphoofolo.

Modimo, leratorato la gago ga se
ka bohlokwa!
Batho ba nama ba tšhabela ka fase
ga diphego tša gago.
Ba khora dijo tše ntši tša ka
lapeng la gago;
o ba noša moeleng wa gago wa meetse
a mabose.
O mothopo wa bophelo;
rena re bonegelwa ke seetša sa gago.

Dula o rata ba ba go khunamelago;
ba ba lokilego o fele o ba dira ka botho.

DIPESALOME 36:5-10

*Ditemana tša mangwalo a makgethwa
di tšerwe ka go Bibele ya Sepedi 2000.

Ge e le Morena yena ke mmotegi, gomme
o tla le tiiša a le emela go Rabobe.

2 BATHESALONIKA 3:3

“Morena a go šegofatše, a go boloke;
Morena a go edišetše sefahlego
sa gagwe, a go gaugele;
Morena a go lebelele ka botho,
mme a go fe khutšo.”

NUMERI 6:24-26



E gatišitšwe le go phatlalatšwa ke ba
Bible Society of South Africa.
www.biblesociety.co.za